

Yanomami pëmakini ipa kahiki wã pëma të wã ha oniprarini
pëma të wã kohipapë!



Nomeru 10

Yanomami a hekuramouwei të ã oni



Hapao tëhë hekura pëni ya
noanoamama makuhei xapiri pata të
pëni a nakaremahe. A ha nakareheni
aukë a xoaremahe. A ha nakareheni
Rito a xapiriprou xoaoma. Xapiri
pata të pëni ira a ha a kã
wamaremahe. A wamarema makuhei
xapiri pëni a ha roakomaremahe. A
ha haromarihëni a xapirimou xoaoma.
Hekura pëni arurupomahe. Pei emaki
ha ukërehëni tireha emaki
xatimakemahe. Yaro pë kã waimi.
Kurata pë xirõ wai. Hukomo pë kã
wai. A kã yarimoimi. Mau u pë xirõ
koai. Dia 30 a xapiriprou
maprarioma. Rito a ha xapiripraruni
a hekuramou xoaoma. Heha hami opisi
ani huma. Xapiri pata pëni a
xapiripramaremahe. Reko xo, Adã xo,
Leo xo, Romeo xo eukëremahe. Eha u
kërehëni, e xatia xoamakemahe. Ihi tëhë Rito
iha xapiri e pë a ha. Wa huxuo no mai. Ai suwë

pë hami wa wamono mai, e pë kã kuma. A kã iximaremahe. A ha iximarireni a
nomamarema makuhei a haroa kōrayoma. Xapiri pëni kanosi e pë kã hoamahe. Ihi të pë
ha horarini xokori wë e xi topraroma.

Lena e të ã oni

Rito a hekurapraruyoma. Epena ani yamaki
he ha horayoni yamaki xapiriproni. A
uhutitio tëhë a huimi xoa. Erani a warema
makui opi yamaki hokëtou kōtarei. A huya
makui a xapiriprou. Porakapi kipini ira
kipini a ware makui opi ya ki hokëtou yaro
pë waimi xoa. Yuri pë kã waimi xoa.
Waiha, a ha kohipirini yaro pë xirõ wai.
Urihi hami a huimi xoa hekura yama pë
yanopi ha horoiprani. Yama pë yanopi
hahoroiprani yama nahi pë u kã xoa. Mau
uha ayarimoimi. Waiha a xirõ yārimou. Pee
nahe pë ro karepou. Hekura pë waisipi
mahi yaro pë mi xitukei yaro enaha yamaki
kuai tare.

Romeu e të ã oni



Rito a hekuramouwei tē ā oni
 Īrani a warema makui a ha rorayoma. Kamani
 hekura pē peximama yaro. A hekuraprariyoma.
 Huya a kutaeni. A huya makui a
 hekuraprariyoma. Harika ya ori wēa hamarema.
 Porakapi kipini a he horarepirema. Ihi tēhē e
 makui kai xoaoma. Ihi tēhē a miomi omomahe.
 Nii pē wai mahi. Yuri pē waimi mahi. Yaro pē
 waimi mahi. Etewexi pē xirō wai tahiyawē.
 Kōpinami pē xirō wai. Hekura pēni a noa tamahe.
 Wa xuhurumo no mai. Epena a koama.

Suisi e tē ā oni



A xaporiprou puihoma yaro a xaporiprarioma.
 A huya makui a he hororemahe porakapi
 kipini hekura pēni a kirimapima. Anano ha
 riya yaro pē wai hai taomi, wai a xirō. Anano
 hario tēhē yaro a warei tēhē totihiproimi.
 Waiha opi pē xirō wai. Yaro a warei tēhē
 hekura pē tokirayou, hekura pē moyami yaro.
 Ano ohotaama makui aharoukoiima tayou a
 utiti mahi xoa. Waiha a kohipirayou tēhē a
 rami huu.

Akriyo e tē ā oni



A xaporiprou puihoma yaro a
 xaporiprariyoma. A huya makui a he
 horaremahe. Xoayē kipini a he
 horapirema, e hekuramou. Yaro pē
 waimi. Yaro a warei tēhē rope hekura
 e pē tokirayou, tē pē he horaihe. Yuri
 waimi, a kāi wamoimi. A wamou tēhē
 hekura e pē tokirayou yai. Wa tē nawa
 warei tēhē rope hekura e pē kōrayou.
 Īrani a warema makui a haro korayoma.
 Pei e maki ukēremahe. Hekura pēni ano
 a tai xoaomahe, wa huxuonoma e pē
 kumou. Wa huxuo mai, e pē kuma.

Teosa e tē ā oni

